



*Komisija za izradu izmjena i dopuna Statuta Grada Sarajeva
ili izradu novog Statuta Grada Sarajeva*

Broj: 01/11-02-2577-1/18
Datum, 07.05.2018. godine

**ZAPISNIK O RADU DRUGE SJEDNICE
KOMISIJE ZA IZRADU IZMJENA I DOPUNA STATUTA GRADA SARAJEVA
ILI IZRADU NOVOG STATUTA GRADA SARAJEVA
ODRŽANE 07.05.2018. GODINE**

Prisutni:

1. mr. Izmir Hadžić, predsjedavajući
2. Bajro Biber, član
3. Drago Jurić, član
4. Omer Jakupović, član
5. Nihad Uk, član
6. Dubravka Muminović – Klačnja, član
7. Subha Krajišnik, član
8. Jasmin Salkić, član

Odsutni: Sanela Holjan, član, Safet Krajišnik, član, Dragana Solaković, član, Toni Vukadin, zamjenik
Predsjedavajućeg (najavljeni izostanci), Emir Zlatar, član

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove

Sjednica je započela razmatranjem i jednoglasnim usvajanjem

- Zapisnika o radu Prve sjednice Komisije za izradu izmjena i dopuna Statuta Grada Sarajeva ili izradu novog Statuta Grada Sarajeva održane 26.03.2018. godine

U povodu razmatranja Zapisnika, a u vezi sa zaključkom pod C. 1. sa prošle sjednice, odnosno u povodu razmatranja zaključaka sa prošle sjednice Komisije (navedenih pod B. u Zapisniku), konstatirano je da su svi zaključci u cjelini prihvatljivi, te da se prihvaća predloženo rješenje za novi tekst člana 7.: "Službeno ime Sarajeva kao glavnog grada Bosne i Hercegovine i Federacije Bosne i Hercegovine je Grad Sarajevo", a konstatirano je da član 3. Statuta Grada Sarajeva ne bi bilo potrebno mijenjati.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Rad na izradi izmjena i dopuna Statuta Grada Sarajeva ili izradi novog Statuta Grada Sarajeva
2. Tekuća pitanja

Ad 1)

A. Poslije rasprave i sažetka Predsjedavajućeg, konstatirano je, odnosno jednoglasno zaključeno sljedeće.

U skladu sa zaključkom sa prošle sjednice Komisije, članov i Komisije su primili radni materijal koji sadrži neslužbeni prečišćeni tekst Ustava Federacije BiH, a tražena preambula Statuta Grada Sarajeva je navedena u Zapisniku o radu Prve sjednice Komisije.



B. Iz rasprave o odrebama preambule, te članova od 11. do 22. Statuta Grada Sarajeva (razmatran je I stav 1. člana 22.) formulirana su mišljenja koja će članovi Komisije razmotriti do sljedeće sjednice Komisije i to kako slijedi.

1. Članovi Komisije su mišljenja da nije potrebno predlagati izmjene ni dopune člana 11. Statuta Grada Sarajeva.
2. Članovi Komisije su mišljenja da je član 12. Statuta Grada Sarajeva na kraju teksta, prije tačke, potrebno dopuniti i sljedećim tekstom "iz Aneksa I Ustava BiH - Dodatnim sporazumom o ljudskim pravima koje će se primjenjivati u BiH."
3. Članovi Komisije su mišljenja da nije potrebno predlagati izmjene ni dopune člana 13, 14. i 15. Statuta Grada Sarajeva.
4. Članovi Komisije su mišljenja da je član 16. Potrebno izmijeniti tako da bude u svemu usklađen sa Amandmanom LII na Ustav Kantona Sarajevo.
5. Članovi Komisije su mišljenja da nije potrebno predlagati izmjene ni dopune člana 17. i 18. Statuta Grada Sarajeva.
6. Članovi Komisije su mišljenja da je potrebno razmotriti sintagmu "Mehanizmi lokalne samouprave", odnosno možda predložiti drugi odgovarajući naziv ovog odjeljka Statuta.
7. Članovi Komisije su mišljenja da je član 19. Statuta Grada Sarajeva na kraju teksta, prije tačke, potrebno dopuniti tekstom u kome će biti jasno navedeno da odluke građana znače referendum, uz pozivanje na članove Statuta u kojima su razrađena pitanja odlučivanja o raspisivanju, odnosno provođenju referenduma.
8. Članovi Komisije su mišljenja da je potrebno u prvom spominjanju naziva "Gradsko vijeće Grada Sarajeva", pa ako je to i u preambuli Statuta, navesti da se u daljem tekstu koristi naziv "Gradsko vijeće", te s tim uskladiti tekst člana 20. Statuta Grada Sarajeva.
9. Članovi Komisije su mišljenja da nije potrebno predlagati izmjene ni dopune člana 21. Statuta Grada Sarajeva.
10. Članovi Komisije su mišljenja da je stav 1. člana 22. Statuta Grada Sarajeva potrebno izmijeniti tako da glasi: "Gradsko vijeće sastoji se od 28 **gradskih** vijećnika."

C. Poslije rasprave i formulacije gore navedenih mišljenja, jednoglasno je zaključeno sljedeće:

1. Mišljenja iz tačke B. ovog zapisnika, članovi Komisije će još jednom samostalno razmotriti i svoja mišljenja iznijeti na sljedećoj sjednici Komisije.
2. Na sljedećoj sjednici Komisije će se nastaviti s radom na isti način, razmatrajući odredbe Statuta Grada Sarajeva koje slijede, počev od člana 22, te će se članovi Komisije svako za sebe, posebno pripremiti za razmatranje dijela koji se odnosi na konstituiranje Gradskog vijeća.

Ad 2)

Poslije rasprave i sažetka Predsjedavajućeg, jednoglasno je usvojen sljedeći zaključak:

Sljedeća sjednica Komisije će se održati u posljednji ponedjeljak maja mjeseca.

ZAPISNIČAR

Mirjana Đanović Stanić

PREDSJEDAVAJUĆI KOMISIJE

mr. Izmir Hadživdić, s.r.